



會稽志卷第七

宮觀寺院

道士所居為宮觀僧則曰寺院宮古者上下通稱如

子皆異宮儒有一畝之宮觀本樓闕之名仙人好樓居故道士亦

稱之南北朝又有稱館玄壇者今都下醴泉萬壽

集禧之類皆有道院以處其徒外方如丈人觀等亦

或有之然不多置也寺本官置之名後漢浮屠初至

洛陽館於鴻臚寺及建精舍因冒寺名曰白馬寺隋

更其名曰道場若毘陽詢所撰西唐初復曰寺院五

代以來寺院特盛江南吳越閩是建寺度僧不可勝

計今以會稽一郡攷之凡梁開平以後稱造某寺賜其額皆錢氏割據時爲之非真中國之命也故其多如此及地入輿圖乃有勅賜額宣和初旣以僧居爲德士女德乃併改寺院爲宮觀僧揣知必不久皆仍舊扁止易一字以應命而藏其舊字及還寺院名則復其初今會稽如戒珠寺等猶可辨也

宮觀

府城

天慶觀在府東南五里一百三十步隸會稽唐之紫極宮也梁開平二年改真聖觀大中祥符

元年正月改曰承天觀時天書事猶未興也

初景德五年正月

即祥符元年

乙丑左承天門

天書降戊辰改元大中祥符以其日爲天慶

節二年十月十四日

詔曰朕以欽崇至道

誕錫元符率土溥天期福祥之咸被靈壇仙

館俾興作以攸宜庶昭清靜之風永洽淳熙

之化式營仙館以介民禧宜令州府軍監關

縣擇地建道觀一所並以天慶爲額蓋用節

名也惟西京稱天慶宮餘悉爲觀於是州以

承天應詔五年閏十月九日

詔曰近者告

期中夕降聖皇闡昭示誨言備聞帝尊祖
聿隆於顯號奉先式煥於丕圖鴻緒發源既
彰於累積絲區設教用表於欽崇天下州府
軍監並於天慶觀置
聖祖殿其殿內尊像及侍從並令玉清昭應
宮降樣其後遂著令諸州給閑田供齋廚藩
鎮十頃餘七頃五頃官吏之官罷任並朝拜
禁乘馬出入遇天慶節士庶焚香庭中殿在
觀之昊天殿北建炎初罷玉清神霄萬壽宮
詔迎長生青華像赴觀建炎三年十一月

高宗皇帝駐蹕癸亥

列聖御容至自東京亦迎赴天慶奉安云

報恩光孝觀在府東三里九十四步隸會稽陳武

帝永定二年捨宅建名思真觀太平興國九

天壽年州乞改額乾明以從聖節祝

至尊壽不詔俞其請崇寧二年改崇寧萬壽

政和三年改天寧萬壽置

徽宗本命殿號景命萬年殿紹興七年改報

恩廣孝十二年又改今額專奉

徽宗皇帝香火初天聖間

章獻明肅皇后殿遣中使脩建用玉清昭應宮別殿小樣將成羨材尚多中使謂主觀道士曰當為奏陳別建道院於東偏道士唯唯而已它日復言之又不對中使不懌遂已道士者惜不知其姓名必賢者也

天長觀在府東南六里一百六十六步隸會稽唐天寶三載祕書監賀知章辭官入道捨宅置詳見號千秋觀七載改今額初開元十七年從羣臣請以八月五日上降誕日為千秋節觀蓋用節名後改千秋節為天長地久節觀名

從之觀嘗有客道士攜草履數十緡坐觀門有過者輒與之已而得履者或有脚疾或斷瘍著之皆頓愈競相傳布而道士已失所在故至今俚俗謂天長為草鞋宮殿上像設竒古傳以為唐代所塑如麻姑浮丘伯等皆他宮觀所無郡人謂之士寶又殿東有小銅鐘範製甚竒聲尤清園遠聞非凡鐘比嘗撲損匠者鋸為大罅聲乃如故汝陰王廉潛作八分書於鐘上惜其不為人所知今從於他所矣

開元宮在府南四里一百二步隸山陰唐開元二十
八年建宮舊極閣廣後多為民居所侵今所
謂甲子巷者乃開元之六十甲子殿也

會稽縣

告成觀在縣東南七里政和四年二月敕改禹祠為
告成觀靖康初元翰林學士翟公汝文守會
稽作三清於正殿因設醮祭其青詞曰臣聞
昊天有目之所共覩尚絕形容上聖衆妙之
所圓成熟能體象敢以凡情之見解妄慕浩
劫之高明深慮愚冥自貽誅譴伏念臣叨蒙

叨蒙覆燾粗識薰修每嘆玄像之不傳莫慰
羣倫之生敬力求繪素仰肖光儀用志歷年
僅成茲事今者甫塵丹陛獲遂夙心竊惟高
齋上至極之尊必示淵默無爲之相寫三清之

垂拱用仿威神具萬德之莊嚴出臨霄極儻
獲上通帝所克簡聖衷即乞頒降諸天普同
供養咸瞻睟表永有依歸臣尚恐粉墨旣焚
闕藏雲闕復命工師再刻崇建琳宮流傳颺
歛之姿安奉告成之宇庶存下土以廣真游
臣誓願歷劫始終歸誠道蔭生身嗣續祇命

玄科非敢萌纖毫僥福之心直以盡頂踵報天之實自稱小兆臣翟汝文又作真武像尤極精緻說者謂得天人粹溫之氣而陰威肅然初建殿於西北隅後以奉安御書碑移殿西廡下南向殿之西南有井能愈疾一郡所崇事也餘具禹廟事中

龍瑞宮在縣東南二十五里有禹穴及陽明洞天道家以為黃帝時嘗建候神館於此至唐神龍元年置懷仙館開元二年因龍見改今額宮正居會稽山南峯嶂迤萃其東南一峯崛起上平如砥號苗龍上昇臺苗龍者不知其名唐初人善畫龍得道仙去大抵龍瑞尤宜煙雨中望之重峯疊巘圖畫莫及故邦人舊

語曰晴禹祠雨龍瑞舊有道士魏景暉能琴有行業紹興中郡懷洛人李樸贈之詩云惟有彈琴魏道士抱琴橫膝對斜暉朱希真敦

儒頗稱之

千秋觀在縣東南五里乾道四年八月安撫使史丞相浩奏移天長觀舊額建其中為三清殿兩廡分享前代高士東廡曰高尚之士西廡

曰列仙之儒凡四十一人故俗謂之先賢堂
前有閣榜曰鏡湖一曲亭曰懷賀

下城縣

金庭觀在縣東南七十二里孝嘉鄉道經云王子
晉登仙是天台山北門第二十七洞天桐栢
山洞中三十五里見日月下見金庭壁四十
里唐高宗時賜名金庭觀宣和七年改崇妙
觀舊傳王右軍捨讀書樓為觀初名金真館
後改金真宮至宋齊間嵇伯玉居此山三十
餘年後游南嶽霍山復歸謂弟子曰吾從此

去十旬當逝及期而終年八十有六史言齊

之辨疾救於剡白石山立真誥云上虞吳曇

者得許承一瓢贈伯玉伯玉亡授弟子朱僧

標歷代寶之可受一斛唐先天間遣女道士

詣金庭觀投龍因見此瓢遂持以進今觀之

東廡有右軍肖像又有墨池鵝池

桃源觀在縣城內東北四十步唐武德八年置號

黃籙太清觀後廢漢乾祐三年重置仍改今額

諸暨縣

乾明觀在縣西二里紹興二十六年道士陳師惠

建請于朝移舊乾明觀額

餘姚縣

廣福觀在縣東七十步舊號聖祖下院其址在

縣城內天聖中建熙寧二年用治平德音賜

壽聖觀額廢於建炎兵火縣以弓手舊營易

其址廣縣治紹興二十年道士張襲明即

所易新址重建三十二年以避閭閻女道士

太上皇帝尊號例改今額王

祠宇觀在縣南七十里四明山漢人劉剛及妻樊

夫人上昇之地古有祠宇觀唐明皇天寶二

年以其地險遠移觀於瀑布下故俗謂之白

水宮本朝政和六年詔建玉皇殿蠲其

雜賦初唐末有高士謝遺塵隱於是山之南

雷今有大雷峯亦嘗至吳中謂陸魯望曰吾

山有峯最高四穴在峯上每天宇澄霽望之

如幄戶相傳謂之石窻故茲山名曰四明山

中有雲二十里不絕民皆家雲之南北每往

來謂之過雲有鹿亭有樊榭有潺湲洞木實

有青櫺子味極甘而堅不可卒破有猿謂之

鞠侯於是魯望與友人皮襲美各賦詩九篇

會稽志卷七
傳於世然今雖山中居人皆不知此異境界
在何處與華山之華陽武陵之桃源無異蓋
神仙所居可聞名而不可到也或謂山圍八
百里四面皆七十峯其說出於近世莫可得
而攷按今明州蓋以此山得名而山實屬會
稽之餘姚縣正如眉州本以峨眉山得名而
山乃屬嘉州之峨眉縣也又華州以華山得
名華山高五千仞華州乃不見而同州反見
之故語曰世間多少不平事却被同州看華
山亦此類也

上虞縣

天慶觀在縣南一里太康中獲金壘於上虞觀井
國朝祥符二年詔天下立天慶觀縣亦許之
故賜今名

新昌縣

鼓山真聖觀在縣西四里

寺院

府城

開元寺在府東南二里一百七十步節度使董昌
故第後唐長興元年吳越武肅王建奏以開

元復為大善寺而以此為開元寺蓋處一州
關之之中四旁達近適均重閎廣殿脩廊傑閣大
鐘重數千斤聲聞浙江之湄佛大士應真之
像皆雄寺工緻冠絕它刹歲正月幾望為燈
市傍十數郡及海外商估皆集玉帛珠犀名
香珍藥組繡髹藤之器山積雲委眩耀人目
法書名畫鐘鼎彝器玩好竒物亦間出焉士
大夫以為可配成都藥市建炎庚戌虜騎侵
犯既退群盜投隙而至遂焚不遺一椽今七
十年雖繼興葺尚未能復初武肅王有浙東
以董昌第為開元而以昌生祠為天王院及
是同時廢于火亦有數焉

大中禹跡寺在府東南四里二百二十六步晉義
熙十二年驃騎郭將軍捨宅置寺名覺嗣唐
會昌五年例廢大中五年僧居玄詣闕請僧
契真復興此寺并置禪院於北廡詔賜名大
中禹跡且命契真居所置禪院寺門為大樓
奉五百阿羅漢甚壯麗初釋氏自達摩至慧
能以來傳禪宗然禪院皆寓律寺至百丈山
懷海始創為禪居乃不復寓律寺契真亦懷

海弟子是時禪寺雖創尚未盛行故猶寓禹
跡北廡爲禪院而已凡寺院冠以大中二字
皆廢於武宗而復於宣宗者惟祥符非是紹
興末曾文清公卜居于越得禹跡東偏空舍
十許間居之手種竹盈庭日讀書賦詩其中
公平生清約不營尺寸之產所至寓僧舍蕭
然不蔽風雨惟食奉祠之祿假三兩老兵給
使令始終如一日公詩有曰手自栽培千箇
竹身常枕藉一床書蓋寓居時所賦也

延慶院在府東南五里二百二十六步唐大中十
二年台州刺史羅昭權捨宅建

崇報院在府東二里一百九十四步開運四年司
農卿周仁邈之妻許及其子從徽捨宅建名
報恩後改今額

大中祥符寺在府東北三里二百步唐中和二年
僧可瑠建號中和水陸院後改稽山羅漢院
周廣順三年改保聖寺開寶七年改法雲寺
大中祥符元年改今額

圓通妙智教院在府東南三里一百五十步開寶
八年少卿皮文粲捨地建號觀音院方唐之

末皮日休避地吳越死焉其子光業為其國丞相裔孫公弼仕

國朝亦通顯文粲光業諸孫仕於其國者新唐書據小說以為日休誅死蓋誤也熙寧間太守趙清獻公具奏以禱祈之地賜額圓

大中通紹興初

車駕駐蹕宣賜

御書金剛經板乾道八年府又以禱旱疫有

崇寧應聞于

朝加額妙智初有興福院與圓通隣久廢僅有一佛殿至是用主僧善超請併興福入圓通或云圓通本興福之觀音懺堂後寢盛別為院而興福日衰至無一僧乃併有之事之興廢有如此者亦可一歎也

永福院在府東二百五十八步晉天福四年吳越文穆王建名光明院大中祥符元年改今額慶曆八年七月初五日朝旨永充天台教

院有重建院記

隆教院在府東一里三百四十六步太平興國元年觀察使錢俛建號無礙浴院大中祥符元

年改賜今額

景德院在府東南六里七十四步唐天祐四年建號鏡清開寶三年改福清院大中祥符元年改今額有十六觀堂趙侍郎不流之先嘗寓居侍郎實生於此及來為守興葺之

明教院在府東南五里四十六步建隆元年錢塘縣令林仁憲捨宅建號彌陀院大中祥符元年改賜今額

旌教院在府東南四里一百九十四步周顯德二年錢承裔建號法華懺院開寶三年改憲臺永壽院大中祥符元年改今額院舊植杏甚茂至今謂杏花寺

長慶院在府東南一里二百二十八步宋永徽二年建本晉尚書陳置竹園因號竹園寺唐會昌五年毀廢周顯德五年僧德欽重建號廣濟院大中祥符元年七月改賜今額

善法院在府東南四里二百二步晉天福七年吳越建為尼院號水寧本朝大中祥符初改今額熙寧八年併入大慶以為僧院紹興初秦魯國賢穆大長公主寓第院中培地得

金塗銅塔

壽昌院在府東南五里一百四十六步漢乾祐三年建觀音吉祥院開寶三年建佛殿景德二年改今額

廣福院在府東南六里七十六步太平興國元年溫州刺史錢備之子熙暎捨園建號俱脰院俱脰西域語也蓋錢氏所名及治平四年正月一日

英宗皇帝受徽號德音私造寺觀及三十間以上有佛像者以聞賜名壽聖壽聖蓋

英宗誕節名也故僧寺名壽聖者所在有之一州或至十數初前代及

本朝有以誕節名寺觀者如千秋天長天清承天乾元之類雖間有之然不多也至壽聖始遍及天下崇寧間蔡京請郡置一寺觀名天寧萬壽蓋權與於此紹興三十二年六月高宗皇帝內禪移御 德壽宮上尊號曰

光堯壽聖太上皇帝是歲十二月 詔寺院宮觀祠廟及鄉里坊巷官私亭館名有犯壽聖及 德壽字者並回避又 詔天下寺

觀名壽聖者皆改為廣福云

法濟院在府東南四里九十六步至道元年邑人

陳建捨園為台州萬年山解院天禧三年賜

院額

悟本院在府東南三里三十四步唐乾符二年張

希劉審言共捨宅置號鏡水院開寶七年改

明心院又賜今額佛屋戶上有題捨錢人姓

名墨高去木一分許蓋歲久風雨推剝木朽

而字以墨覆故獨不動世傳華州西溪有亭

蓋杜子美詩所謂鄭縣亭子者杜詩書板上

墨字挺起尤高蓋此類也

福果院在府東南三里三十四步

右隸會稽

大善寺在府東一里二百一十步梁天監三年民

黃元寶捨地錢氏女未嫁而死遺言以奩中

資建寺僧澄貫主其役未期年而成賜名大

善屋棟有題字云天監三年歲次甲申十二

月庚子朔八日丁未唐開元二十六年改名

開元後唐長興元年吳越武肅王別創今開

元乃復大善舊名建炎中

大駕巡幸以州治為行宮而守臣寓居於
大善及移蹕臨安乃復以行宮賜守臣為治
所然歲時內人及使命朝橫陵猶館於大
善乾道中蓬萊館成乃止獨太常少卿按行
陵下寓館焉慶元三年十一月寺僧不戒于
火一夕煨燼惟羅漢天王堂浴院經院庫堂
僅存寺有塔亦俱焚或發其塔中地得石刻
乃越州龍興寺宋太始元年唐大中元
年造塔大宋淳化三年十一月火焚塔寺俱
盡景德元年重建石刻中間多斷闕不可盡
讀按龍興寺與今龍興橋相近或謂提舉歷
舍是也疑龍興塔既焚後人取廢塔所葬舍
舍利佛骨益以他舍利葬於大善塔耳以棟上
字觀之則大善自建寺以來初未嘗有被焚

之事亦未嘗
名龍興也

報恩光孝禪寺在府南二里二百二十二步宋元

徽元年製法華經維摩經疏僧遺教等與法

師惠基於寶林山下即龜山亦建寶林寺時
名飛來山

有皮道與捨宅連山造寺山之巔有石岫岫

有靈鰻禱雨多應旁有巨人跡錫杖痕會昌

毀廢乾符元年重建因改為應天寺晉末沙

門曇彥與許詢元度同造甄木二塔未成詢

云久之岳陽王將至彥預告門人曰許元度

來也岳陽亦早承誌公密示至州即入寺尋

訪彥望而曰許元度來何暮昔日浮圖今如
故王曰弟子姓蕭名啓師何故以許元度呼
之彥曰未達宿命焉得知之遂握手命入室
席地王忽悟前身造塔之事宛若今日由是
塔益加壯麗崇寧三年八月詔改崇寧萬壽
禪寺三月八日又改崇寧爲天寧每歲天寧
節郡寮祝聖於此紹興七年改報恩廣孝禪
寺俄又改廣孝爲光孝專奉

徽宗皇帝香火蓋以本天寧祝聖之地也

舊有長老滋須者有高行會改當十錢爲當

五郡守召須及能仁長老密告之且曰聞二

寺方大興造有未還瓦木工匠之直而蓄當

十錢多歸可急償之明日文字一出皆大折

閱矣二人旣歸能仁呼知事僧告以將赴它

郡之請凡有負者皆即日償之於是出千餘

緡與之抵夜乃畢得者皆喜明旦遣侍僧問

天寧則曰長老歸自郡齋即以疾告閉方丈

門熟睡至今猶未起也及令下須始以當五

之數償負能仁乃大媿服

大能仁禪寺在府南二里一百四步本晉許詢捨

大論

宅號祇園寺後廢至吳越王時觀察錢儀復

建號圓覺寺咸平六年從知州事兵部員外

郎康戩之請用承天節名改賜承天寺政和

七年前上后土號曰承天効法厚德光大后土

皇地祇 詔天下承天僧寺皆改為能仁寺

蓋避后土號也是歲 詔建神霄玉清

萬壽宮以僧寺壯麗富贍者改建而越以能

仁為之石刻 御製宮碑奉安法堂上作朱

漆樓閣嚴護正殿左奉長生大君右奉青華

帝君侍立真人各二人側殿奉韓君丈人又

繪左右仙伯及從官於兩序殿柱以金龍絡

之殿庭為醮壇殿門立二十四戟 用鑄石頭

朱漆桿其桿上青下綠彩畫雲鶴蛟龍仍綴五色帶五條每帶綴一銅鈴通長一丈二尺八寸

殿上設威儀 金鉞玉斧五明扇九天寶蓋神

幡朝天朱幢仙境絳節紫 築亭行符水名

仁濟亭講堂名道紀堂經歲名雲章寶室贊

產名道業天寧天應天符寧貺元成節各設

醮醮多至千二百位自 京師降青詞朱表

御香守闈及掃洒用禁軍文書入疾置守臣

雖前二府但稱管勾百步內禁雜戶及屠肆

街衢責地分人掃除車檐及庖厨宴集音樂
采捕刑獄之具皆有禁道士知宮副知宮皆
降勅差名曰長貳氣焰熏灼監司守臣通書
啓送迎交謁如等夷方是時泗守葉默建昌
守陳并秀守蔡巒皆爲神霄道士所訟得罪
至流竄歲用名香朱丹幣帛酒醴華果不可
勝數紙札尤多一取以千計皆池表歛表之
類不許以地所產充數猶退易不已遇特設
齋道士襯錢自三十千至三百率無虛月
靖康內禪始稍減削 建炎中興 赦書遂

命神霄復爲僧寺遷像設於天慶觀而能仁
寺復故州又有能仁院故郡人謂能仁寺爲
大能仁寺云

戒珠寺在府東北六里四十七步戴山之南本晉
右將軍王羲之故宅或曰其別業也門外有
二池曰鵝池墨池其爲寺不知所始陳太建
二年有僧定光來寓寺中耳過其頂擎銀像
長立不臥寺之中爲臥佛殿有所謂十大弟
子者哀泣其旁或候氣或捫足而佛之父母
亦在焉僧惠迪言方政和間道家盛時有道

士結僧曰寺院皆祝壽之地乃爲此狀何也
當聞於州毀之有僧出曰此見道官進

天寧節祝 聖疏首列道德經若干卷經中

乃云上將軍居右言以喪禮處之死而不亡

者壽強梁者不得其死死之徒十有三以其

求生之厚是以輕死民至老死不相往來如

此類皆何等語汝乃殊不避何也道士掩耳

而去寺有上方院熙寧中郡守程公師孟與

法雲長老重喜來遊喜能詩乃擬程公體坐

上立成曰行到寺中寺坐觀山外山程公大

喜又有竹堂雪軒字泰閣皆一郡登覽之勝

李參政漢老有雪軒詩曰四山環繞翠岩堯

想見凌晨雪未消八萬四千脩月手不知何

處琢瓊瑤人推絕唱字泰紹興中爲士子肄

業之地常十餘人策名巍科者相踵蓋山川

之秀有以相之寺南百步有題扇橋蓋賣扇

老姥所居云

光相寺在府西北三里三百七步後漢太守沈勳

公宅東晉義熙二年宅有瑞光遂捨爲寺安

帝賜光相額給事中傅公崧卿退居北海里

第夫寺最近數杖屨過之

能仁院在府西北三里三百三十七步開寶六年
觀察使錢儀建太平興國二年吳越給地藏
院額大中祥符元年改承天政和七年五月
改賜今額事在大能仁寺篇

廣教院在府西六里二百二十七步載山東麓院
後山壁刻字有曰唐景福元年歲在壬子准
敕建節度使相國隴西公生祠堂其年十二
月十六日興功開山建立蓋董昌生祠也昌
敗祠廢後唐天成四年吳越王錢鏐夢神人

求祠宇或言祠本古天王院有魚池因建天
王院大中祥符元年七月改通教院天聖初
避

章獻明肅皇后父名又改今額建炎末與開
元寺同時廢于火紹興中院僧惠迪募緣再
建佛殿西北隅山壁有陸少師題名石刻云
盧駿元王源之吳任瞻曹季明沈詠道孫元
禮陳志行陸元鈞白戒珠寺雪軒過竹堂登
上方尋徑到此政和八年三月二十八日元
鈞題盧公名天驥西安人以儒學進名重當

世後避天字改名襄字賚元終於吏部侍郎
時爲浙東提點刑獄少師時爲淮西提舉常
平詠道名時并爲部酒官有文學盧公遇之如
交友遊覽必與俱後以子貴贈至太師吳國

公

妙明院在府北三里一百七步開寶五年鎮海軍
都指揮使陳志建吳越給光讚般若院額大
中祥符元年七月改今額佛殿東南有八角
石井舊嘗有大珠夜風雨晦冥輒出照殿上
及廊廡盡明或濬而索之弗得建炎兵亂有
北客來居墜小兒死焉珠遂絕不出院本甚
廣今非復舊址矣

觀音教院在府西北三里一百二十七步乾道九
年有沈安中者捨所居請于府移會稽縣界
圓通妙智教院舊額建

右隸山陰

會稽縣

泰寧寺在縣東南四十里周顯德二年建初號化
城院又改爲證道院建中靖國元年太師陸
佃旣拜尚書左丞請以爲功德院改賜名證

慈米芾書額寺門外築亭曰慶顯紹興初
詔卜

昭慈聖獻太后攢宮遂以證慈視陵寺而議
者謂

昭慈將歸祔

永泰陵因賜名泰寧禪寺其後

永祐

永思

永阜

永崇四陵修奉皆在其地故泰寧益加崇奉

淳化寺在縣南三十里中書令三子敬所居也義

熙三年有五色祥雲見安帝詔建雲門寺會

昌毀廢大中六年觀察使李褒奏再建號大

中拯迷寺淳化五年十一月改今額寺有彌

陀道場杭僧元照書額門外有橋亭名麗句

亭刻唐以來名士詩最多先唐時雲門止有

此一寺今裂而為四雍熙者懺堂也顯聖者

看經院也壽聖者老宿所棲菴也或謂雲門

寺本面東主泰望而對陶宴等山如列屏障

會昌廢寺後止存一小殿面南未毀遂因附

益以為寺非復舊址而舊址乃多犁以為田
紹興中淮僧廣勤為雍熙副院嘗因牛足陷
得小銅維衛佛像於田中蓋古雲門寺地也
凡寺額冠以大中者捨大中祥符外皆唐宣
宗時所復會昌廢寺

雍熙院在縣南三十一里一十步初僧重曜於雲

門拯迷寺之西建懺堂號淨名菴開寶五年

觀察使錢儀弟之廣之為大乘永興禪院懺

在今佛殿後法堂前雍熙二年十月改

賜今額紹興元年六月賜故尚書左丞陸

公為功德院陸氏功德院本在證慈至是

賜是院時方立法應惟雍熙賜功德院者不院有

吳越忠懿王在國時所貽書石刻其一曰報

雲門山淨名菴長老重曜今差人賫到白乳

茶三十斤稜瓷香爐一隻衙香五斤金花合

盛重五十兩仍支見錢一百千文足陌可親

入懺保安遣此示諭不具押字付其一曰報

越國雲門山淨名菴長老重曜昨據節度使

錢儀申所請為官中入懺保安事具悉師心

鏡絕塵衣珠無類脩釋氏務三之訓得淨名

不二之宗泊掛錫寶坊棲真玉筍節使素欽
於景行遠有來聞國家因罄於精誠遂可其
請况竒峯正聳炎景斯煩非坐非行頗勞精
進傾心引領尤媿忠勤今則再賜到乳茶三
十斤乳香三十斤至可領也夏熱想得平安
好故茲告諭想宜知之不具押字付長老重
曜此亦可略見錢氏下書境內之體錢氏自
周世宗及

宋興之後益務尊戴中朝然其書猶不能
無竊擬書詔之意故具載之院額錢惟治所

書院前橋亭曰好泉亭亭扁蓋陸少師所題

取范文正公詩林無惡獸住巖有好泉來之

句又有牧菴朝陽亭及范丞相純仁兄弟章

樞密案曾舍人鞏晁侍讀說之江少卿緯廉

博士布題名錢氏據舊史雖封吳越國王然

初不言會稽別稱越國於此見之史魏公家

有當時金書法華經稱錢儀為判會稽府則

又有會稽府之稱矣吳越備史又云遜王移

居東府似又稱東府也

顯聖院在縣南三十里周顯德二年於拯迷寺石

壁峯前建看經院乾德六年賜號雲門寺至
道二年九月改今額院後有王子敬筆倉實
一皆井有經藏甚靈異中間院嘗無主僧者
久之郡牧毀其法堂以脩園館然經藏猶如
故今院復小葺絕無產業僧童賴經藏以給
云

廣福院在縣南四十里晉天福六年建初名上庵
熙寧三年六月以治平 德音賜壽聖院額

隆興元年例改今額雲門四寺相比廣福最
在其上小而秀邃可喜傍又有雲泉雲峯厓
皆幽勝

大禹寺在縣南一十二里梁大同十一年建會昌
五年毀廢明年重建寺自唐以來爲名利西
偏有泉名菲飲有亭覆之紹興中王編修鉉
題名大字刻泉上

天華院在縣東六十里周廣順二年建號無礙浴
院至道二年十一月賜名天華院呂文靖公
有賀家湖上天華寺一一軒窻向水開之句
今院乃在小市去湖差遠不稱此詩疑嘗移
建云

東山壽寧院在縣東二十五里宣和五年陸祠部
傳所建初蔡京為黨禁凡故二府臣寮名在
元祐黨者皆奪墳利例更其名為壽寧陸左
丞證慈院其一也政和中詔皆復賜之額亦
天華復其故祠部適以家貲建東山院成遂請於
州以壽寧名之方建寺時祠部年逾六十方
手植穉松人或笑之及歿年九十松皆為喬
木云

賣山證慈院在縣東七十二里曹娥鎮曹娥廟之

旁米禮部書額證慈本陸左丞寶山功德

院名後以

此昭慈聖獻皇后積宮改院名泰寧而徙額于

大中昭福院在縣南一百里唐元和二年寧賁禪
師建會昌廢大中八年文質禪師重建

妙峯寺在縣東七里唐光啓元年蔡邠等於古靈

山寺基建靈山寺大中祥符元年改賜今額

福慶寺在縣東南七十里晉將軍何充宅也世傳

充嘗設大會有一僧形容甚醜齋畢擲鉢騰
空而去且曰此當為寺號靈嘉充遂捨為靈

嘉寺唐會昌五年廢晉天福七年重建大中祥符六年改賜今額

隆慶院在縣東北二十里晉元嘉三年建號長樂寺會昌廢建隆元年重建號興福院大中祥符元年改賜今額

資壽院在縣東南七十里晉開運四年阮羅建乾德二年吳越號資國院大中祥符元年改賜今額

護聖院在縣東四十里周顯德元年建院有塔因號千佛塔院大中祥符元年七月改今額

廣愛院在縣東南一百里漢乾祐三年於古寶安寺基上建號德政院大中祥符元年七月改賜今額

崇仁院在縣東南一百里唐龍紀二年建號相國永泰禪院晉天福四年吳越改瑞峯院大中祥符元年改賜今額

資聖院在縣東四十里漢乾祐元年建號證福院大中祥符元年七月改賜今額乾道九年改

為禪院

普濟院在縣東北八十里孔浦後唐長興四年建

普濟院在縣東北八十五里纂風浦周廣順元年

建顯德五年吳越給延壽院額大中祥符元

年改賜今額

慶恩院在縣東南九十里晉天福七年建周顯德

元年吳越給報恩院額治平元年改賜今額

靈峯院在縣南二十二里開寶九年觀察使錢儀

建號三峯院治平元年改賜今額

普濟院在縣東四十里乾德元年盧文朗建即晉

黃愛鴻明禪師誦經之地將軍何充累詣聽經故

號何山院乾德三年改雲濟院治平二年改

賜今額

淨勝院在縣南二十里唐中和三年齊肇以其祖

丞相杭書堂建號雲水塔院治平二年改賜

今額

渚修院在縣南一十八里周顯德五年集惠大師

建號福清塔院治平二年改賜今額

妙智院在縣東南二十五里晉開運二年建觀音

尼院今為僧院治平二年改賜今額

淨住院在縣東北四十里齊永明二年建號靜念

寺會昌廢漢乾祐三年陸君泰重建治平三年九月改賜今額

廣教寺在縣東二十五里晉開運四年建號善訓寺治平三年二月改賜今額

澄心院在縣東六十里唐景福二年吳越武肅王建周顯德五年改水心院治平三年二月改賜今額

華嚴院在縣東南七十五里咸通九年賜今額寺久廢後移五雲鄉今方廣院乃其子院爾

鷲峯院在縣東南七十里唐大中五年建天祐六年賜號金峯院治平三年二月改賜今額

延安院在縣東南七十里建隆元年建號護國保安院治平三年二月改賜今額

崇勝院在縣東南九十里晉天福七年建號保安院治平三年改賜今額

九蓮院在縣東南七十五里建隆三年建號蓮花院治平三年二月改賜今額

佛果院在縣東南八十里乾德二年建號保福院寶林治平三年正月改賜今額

清修院在縣東南八十里晉開運三年建號清泰

院治平六年九月改賜今額

寶林院在縣南一百里元豐元年州以三界鎮接

待院奏請賜今額

化城院在縣東南四十里周顯德二年於古皇城

院基建

石佛妙相寺在縣東五里唐大和九年建號南崇

寺會昌廢晉天福中僧行欽於廢寺前水中

得石佛遂重建治平三年賜今額石佛今在

寺中高財二尺餘背有銘曰齊永明六年太

歲戊辰於吳郡敬造維衛尊像凡十有八字

筆法亦工按會稽未嘗號吳郡在隋嘗名吳川然在北後

年百餘此石佛既得之水中又一人可負之而

趨者安知非吳郡所造而遷徙在會稽耶按

天衣有維衛銅像雲門雍熙又嘗犁地得銅

像亦維衛也蓋口多作此像者

稱心資德寺在縣東北四十五里梁大同三年建

會昌中廢大中五年觀察使李褒奏重建稱

心在唐為名山與雲門天衣埒宋考功之問

守會稽時有遊稱心寺詩曰步步陟招提宮北

極山海觀千巖透紫遶萬壑殊悠漫喬木傳

夕陽文軒劃清與池雲多表裏驚湖每昏旦
問予金門客何事滄州畔謬以三署資來刺
百城半入隱尚不弭歲華豈兼玩東山芝桂
芳明發坐盈歎有功詩名冠冕一代李適以
為自康樂以後死為絕唱此詩尤高絕信乎
其似康樂也又有唐律二篇見集中雲門天
衣至今遊會稽山水者必至焉惟稱心在海
隅獨以僻遠寺又蕪蕪故詩人騷客有終不
一到者名亦晦而不彰豈獨入材有不遇哉
明覺院在縣東三十一里刺浮山唐開元十八年

建會昌毀廢晉天福八年復建號大明院治
平二年改今額有千歲和尚塔亦有碑而其
說荒怪不可攷庶然院頗幽絕可愛院門下
數諸峯如柳柳州所謂林立四野者入門石
壁屹立盛夏爽然如秋

隆德崇善寺在縣南二十五里昌源故寺皇叔祖
信王璠功德寺唐元四年賜今額

崇福院在縣南二十五里秦和陞越州長晉王暉
興福院在縣南一里二日步晉天福五年觀察使錢
俛建號錢湖院大中祥符元年改賜今額今廢

天章寺在縣西南二十五里蘭亭至道二年二月
崇寧內侍高班內品非不愈奏昨到越州見晉王羲
之蘭亭曲水及寺堂舊基等處得僧子謙狀
乞賜御書收崇寧於書堂上建一寺舍焚修
崇奉宸翰特明詔天章寺額淳熙十年重建
御書閣奉安

仁宗皇帝天聖四年六月十二日宣賜
御書篆文天章寺鐫刻四字牌額又紹興

八年三月壬寅詔到
高宗皇帝御書蘭亭序石刻一本賜浙東安
撫使孫近有近題跋勒石蘭亭曲水右軍書
堂及畫像至今皆在或謂
仁宗書此額時本書

真宗御集閣爲天章之閣四字旣成
聖意未愜再書之前本遂不用有內侍奏
章獻明肅皇太后言越州天章寺天下名山
今欲乞

太宗皇帝更書一寺宇易閣字以賜越州
太后與

上皆欣然許之此四字是也故老所傳如此
天衣寺在縣南三十里晉義熙十三年高僧曇翼
結菴誦法華經多靈異內史孟覲請置法華
寺至梁惠舉禪師亦隱此山武帝徵之不至
有翼公所頂戴紫檀十二面觀音及梁昭明
太子統遺舉公金縷木蘭袈裟紅銀澡瓶紅
瑠璃鉢至今具在又有金銅維衛佛像本西
域阿育王所鑄浮海而至梁武以施山中儀
相甚偉今奉於西序宣和初 詔改僧爲德
士寺院爲宮觀銅鏡銅像期以十日盡輸官

俄復命惟輸鏡而銅像悉獲存故維衛像至
今嚴奉焉寺有十峯堂以山之十峯爲堂名
山下又有雙澗故曾文清公詩云布鞵青鞋
躡欲無看山看水未成踈十峯雙澗尤奇處
萬壑千巖總不如淳熙七年 詔以 皇子
魏惠憲王薨橫于山中設置衛守且歲時加
恩澤有差云

法雲寺在縣西北八里本名王舍城寺久廢吳越
王時有大校巡警見其地有光景乃復興葺
開寶七年改名寶城寺中允陸公仁旺及弟

大卿捨園地以益之大中祥符中改額法
雲建中靖國元年大卿之孫拜左丞請爲功
德院三歲度僧一人建炎初金虜入寇有三
騎至寺主僧道亨不勝憤閉寺門擊殺之尸
諸門虜後騎至遂焚寺道亨婺州人在法雲
四十年度弟子三十二人寺焚復營葺不少
挫未成而卒其後自修契彛繼之乃成道澤
又建觀音殿鐘樓經藏往時有重喜者不知
何郡人爲童子時擁篲掃廊忽渙然有省遂
能詩有傑句元豐中居法雲嘗作詩曰地爐
無火客囊空雪似楊花落歲窮拾得斷麻縫
破衲不知身在寂寥中

本覺寺在縣西北一十五里梅山後唐清泰三年
節度經略副使謝思恭捨宅建號靜明寺寺
有雲峯堂以曾文清公詩得名亦有曾公手
書行記寺後有適南亭可以望海郡牧程給
事建陸左丞作記又有子真泉

智度寺在縣西北九十五里後唐天成三年建周
顯德元年吳越改旃檀寺大中祥符元年七

靈妙月改賜今額

靈祕寺在縣北五十里梁大同十年將軍毛寶捨
宅建會昌毀廢大中五年重建

寶壽院在縣西三十五里唐大順二年建天禧三
年造殿號清化院景德二年改賜今額

寶嚴院在縣西一百二十五里晉開運二年建純
一禪師壽塔漢乾祐元年吳越給清化純一
塔院額大中祥符元年七月改賜今額

奉聖院在縣南二十五里唐開元十六年建爲玄
儼律師度僧戒壇院會昌毀廢漢乾祐二年
吳越重建改明恩院大中祥符元年七月改

黃賜今額

延福院在縣西六十里新安鄉牛頭山之麓晉天

福三年開寶六年錢氏給安國院額大中

祥符元年七月改賜今額建炎中廢于火紹

興五年重建乾道五年始畢工有石菴感禪

師安禪之地景德初贈太傅陸公軫與鄉士

寶壽數人肄業於此嘗遇大雪絕食累日陸公禱

山神明日獲二鹿焉聞者歎異及陸公直集

賢院來守鄉邦遣衙校致祭書堂在寺之西

北隅今寺僧猶能識其處牛頭山產石可作

靈山其小碎者取為盆山尤宜草木皆葱蒨
耐久與崑山所出相埒東坡先生所謂盆山
不見日草木自蒼然是也

寶壽院在縣西一百二十里唐貞元三年建周廣

順三年吳越給永豐院額大中祥符元年改

賜今額

長壽院在縣東北二十五里晉天福六年鄒彥超

建周廣順二年吳越給願果院額大中祥符

元年七月改賜今額

廣濟院在縣西北五十五里晉天福六年於古福

壽院基上建號聖壽院開運元年改嘉賓院

大中祥符元年七月改賜今額

報恩院在縣西一百二十三里乾德四年竇玘捨

地建號彌陀院大中祥符元年七月改賜今

額

廣利院在縣西一百二十里清化山開寶九年柳

公訓捨宅建吳越給清化西塔院額大中祥

符元年七月改賜今額

慈恩院在縣西一百二十二里後唐長興二年謝

君彥捨地建晉天福七年吳越給永安院額

大中祥符元年七月改賜今額

延壽院在縣西八十二里後唐天成四年建號普

安院大中祥符元年改賜今額

等慈院在縣西一百十二里晉天福三年僧道山

建號天長院大中祥符元年七月改賜今額

資教院在縣西一百二十一里晉天福七年建漢

乾祐元年吳越給城山院額大中祥符元年

七月改賜今額

慶壽院在縣西六十五里開寶七年邵仁造捨山

建號烏石院大中祥符元年七月改賜今額

集善院在縣西北二十五里太平興國元年建

上方院在縣西北九十二里晉天福二年建

香林院在縣西四十五里漢乾祐三年建號寶林

院治平三年二月改今額

青蓮院在縣西南七十里唐乾符元年建號蓮華

院治平三年二月改賜今額

報恩院在縣西三十五里唐乾符三年建崇寧五

年重建

華藏院在縣西南二十五里唐咸通四年觀察使

王龜建號華嚴院治平三年改賜今額

安康院在縣西北九十三里後唐長興元年建

福安院在縣西北九十二里後唐長興元年於古

樓隱寺基上建號資福院治平元年改賜今

額

保安院在縣西北五十一里晉開運元年建號休

寧院治平三年改賜今額

安隱院在縣西北一十里隋開皇十三年建唐武

德中重修會昌毀廢後唐清泰元年高伯興

等重建號安養院治平三年改賜今額

崇教院在縣西九十里梁大同元年建尋廢周顯

德五年鎮海軍都指揮使薛溫重建號新興

塔院治平三年改賜今額院東一百步有越

王城

普香教院在縣西北五十三里乾德三年於古靈

隱寺基上建開寶三年吳越給觀音普聞院

額開寶六年改賜今額

鷲臺院在縣西四十五里晉乾祐三年建號重臺

院治平三年二月改賜今額

資壽院在縣西一百四十里晉開運二年建號延

壽院治平三年改賜今額

明因院在縣西南一百里晉開運元年建號遇明
院治平三年改賜今額

壽量院在縣北九十七里後唐長興元年陳司空
捨宅建

永興院在縣西北四十五里晉天福八年建

崇福院在縣西北五十里建隆三年衢州刺史朱

仁幹建號浴室院乾德二年改法水院大中

祥符八年十二月改賜今額

興教院在縣東南一十五里晉天福四年建號道

林院即烏窠禪師道場治平二年改賜今額

興教院在縣西一百一十六里晉天福五年建號

興善院治平三年改賜今額

惠悟院在縣西一百二十里周廣順元年建號全

悟院治平三年改賜今額

顯慈資慶禪院在縣西三十里蘭亭皇祐五年樞

密副使孫威敏公奏乞建墳寺賜額

廣福院在縣西三十五里初僧思純造香林寮治

平四年賜壽聖院額紹興三十二年例改今

額

靈祕院在縣西三十里柯橋館之旁紹興中僧智

靈寂性創柯橋接待院初惟遠際一廈日益增葺
請于府移江北安昌鄉靈祕廢院額智性年
九十餘精神不衰猶能領院事淳熙十六年
黃昏九月準尚書禮部符甲乙住持

龍興寺宋太始元年建號香嚴寺唐神龍元年改
為中興寺神龍二年改為龍興寺初五王既
誅張昌宗兄弟中宗反正復唐室稱中興故
寺觀有名中興者已而武三思用事五王及
禍遂以為母子相繼不得言中興凡名號有
中興者皆改易如此寺是也然他郡猶有至
今謂之中興寺者蓋婺之東陽是也或是初不
曾用後詔或是武宗以後復中興之名不可
知也會昌五年詔廢大中二年僧契真重建
今廢為提舉司

大慶屋寺在府城南三田三百步隸山陰西晉永康元
年有諸葛姥日投錢井中一日錢溢井外遂
置靈寶寺會昌中廢大中元年觀察使李褒
重建改今額及廢顯教院又併其屋入焉西
偏別為教院用十方規制選名行屋主焉頗
習經學勵行業郡人稱之顯教院本名保越

屋皆以織羅爲業所謂寶塔羅是也乾道中以其院舍忠順宮而徙其徒於大慶又有善法屋院晉天福七年吳越所建名永寧大中祥符元年改額熙寧八年知州趙清獻公以其幽迥非屋可居徙屋於大慶而院爲僧坊又有觀音屋院在縣東南二十五里晉開運二年建今爲妙智院亦僧居之山陰有寶積屋寺在縣北五里乾德四年觀察使錢儀建名執慈寺大中祥符元年改額又有崇屋教院在縣西北五里二十步周廣順二年吳越武肅王建名惠清院大中祥符元年改額今並廢

會稽志卷第八

寺院

嵯縣

惠安寺在縣西一百五十步剡山之下晉義熙二

年南天竺國有高僧二人入金華師道深第

宣法子竺法友授阿毗譚論一百二十卷甫一宿

而誦通道深遂讚法友曰釋迦重興今先授

記遂往剡東印山東中山今屬新昌復於剡山立般

若臺寺獵士陳惠度射鹿此山鹿孕而傷既

產以舌舐子身乾而後母死惠度弃弓矢投

寺出家後為名僧度死之處生草號鹿胎草
會昌廢咸通八年重建改法華臺寺天祐四
年吳越武肅王改與邑寺大中祥符元年改
賜今額

宣妙寺在縣西四十五里宋元嘉二年建號崇明
寺會昌廢晉天福四年重建治平三年改賜
今額

安福寺在縣南六十里梁永明二年置唐會昌五
年廢景福元年重建

上鹿苑寺在縣西四十五里寺山自太白山來宋
元嘉七年姚聖姑於西白山造寺賜披雲院
額會昌廢咸通七年重建改咸通披雲院晉
夫福七年吳越改披雲寺

下鹿苑寺在縣西四十五里寺山亦自太白山來
其土即披雲寺宋元嘉二年建號靈鷲寺會
昌廢咸通十四年重建山有瀑布及龍潭寺
治平元年改賜今額

明覺寺在縣南二十里梁大通元年智遠法師建
號禪林寺會昌廢晉天福元年重建大中祥
符元年改賜今額

禪惠寺在縣西二十里傳者以為齊景明元年安南將軍黃僧成家天雨錢拾以造寺號錢房
即舊院梁天監中改禪房寺會昌毀廢咸通二年
重建後改賜今額

福感寺在縣東二十五里晉天福四年建號報恩寺大中祥符元年改賜今額

實性院在縣西二百五十步唐乾元中建號清泰院會昌廢晉天福七年重建大中祥符元年改賜今額

寶積院在縣北三十里後唐長興四年建號德興院大中祥符元年改賜今額

龍藏寺在縣北四十五里梁天監二年建號龍宮院會昌廢咸通十四年重建浙東觀察使李紳少年寓此肄業有紳所為碑存大中祥符元年改賜今額

普惠寺在縣西四十里齊永明三年建號安養法華院會昌廢乾符六十年重建治平三年改賜今額

普安院在縣東二十五里宋元嘉二年建會昌廢後唐清泰二年重建

戒德院在縣西四十里齊永明三年建號光德院
會昌廢晉天福七年重建治平二年改賜今
額

定林院在縣西四十五里宋元嘉二年建號松山
院會昌廢晉天福八年重建有響巖龍潭治
平三年改賜今額

圓超院在縣西二百五十步院山與刻山相連舊
曰靈岫晉天福六年建奉國院有觀音靈
異祈禱必應西廡有亭臨雙溪之上溪山勝
絕政和間衛人盧駿元天驥為提點刑獄行

部至此命其亭曰挾溪題詩云孤亭瞰平野
雙溪分兩腋野闊春風香溪晴照人碧駿元
工詩能書札仕至吏部侍郎寺前松嶺之側
有俯山堂下瞰城邑前對羣山昔人留題甚
多邑士傳誦一聯云近離城市不多地高壓
樓臺無限家莫知誰氏作也今堂廢久矣
真如院在縣西四十里周顯德三年建號寶壽院
大中祥符元年改賜今額

尊勝院在縣東四十里宋元嘉二年建號厚山院
會昌廢咸通十一年重建久之又廢晉天福

六年重建治平三年改賜今額

天竺院在縣西二十里晉天福七年建號西明院

大中祥符元年改賜今額

靈巖院在縣西七十里唐乾符三年於茹蘭禪師

伏虎歇食巖下古石門寺基上建有石門龍

潭

法祥院在縣東七十里宋元嘉二年建號延福院

會昌廢後唐清泰二年重建大中祥符元年

改法朗後以犯

聖祖諱改今額

超化院在縣北二百步晉天福七年建號水陸院

大中祥符元年改賜今額

瑞像院在縣東二百步唐景福元年吳越武肅王

建

法華院在縣東二百步唐龍紀元年建

南巖解院在縣東二百步唐龍紀元年建

清隱院在縣東七十里唐大中七年建號三峯院

院後有山三峯故曰三峯治平三年改賜今

額

大明院在縣西三十里晉天福七年建號資國大

大明院大中祥符元年改賜今額

證道院在縣西四十里晉開運元年建號五龍院

後改今額院晉高僧白道猷道場山有龍潭

華藏院在縣東四十五里晉開運二年建號雲峯

院大中祥符元年改賜今額

皇覺院在縣西六十里漢乾祐三年建號仙巖院

大中祥符元年改賜今額葛仙翁釣臺石梯

在其傍

顯淨寺在縣西二十里齊永明三年建號青林寺

會昌廢後唐長興元年重建大中祥符元年

改賜今額

報恩院在縣西二十里唐乾寧元年建號報德院

大中祥符元年改賜今額

資福院在縣東二十里晉天福八年建號增福院

大中祥符元年改賜今額

空相院在縣南四十里太平興國元年建號開明

院大中祥符元年改賜今額

悟空寺在縣西三十里周廣順元年於古烏流寺

基上建號保安院治平二年改賜今額

安國院在縣西六十五里晉天福七年建號太平

定國院治平三年改賜今額

明心院在縣北二里建隆二年陳鄴捨宅建號黃土塔院大中祥符元年改賜今額

諸暨縣

大雄寺在縣西一里梁普通六年大智禪師建號法樂寺會昌廢大中二年重建改報國寺後

改賜今額

咸通保壽寺在縣西南一十一里唐大中八年僧

神智建號大中聖壽寺咸通十年改賜今額

寺牌實唐人書

永壽寺在縣南二里梁大同二年左僕射吳文寵

捨宅建號延壽寺會昌廢咸通十年重建後

唐天成三年改長壽寺後改今額

化城寺在縣東北八十五里晉天福七年建周顯

德二年吳越給靈根寺額大中祥符元年改

賜今額

青蓮院在縣西一十八里天福四年建號碧泉院

至道二年改賜今額

三學禪院在縣西六十里唐元和三年曹溪第四

代靈默禪師建成通六年賜五洩永安禪院

額天祐三年改應乾禪院後改今額自夾巖
山峯并五洩溪至響鐵嶺盡屬之

寶乘院在縣北二十里後唐同光二年吳越武肅

王建號石佛院大中祥符元年改賜今額

永慶院在縣北五里唐天祐元年建號五峯院

法海院在縣南三里二百步唐大中八年僧神智

建號保壽廨院大中祥符元年改賜今額

慈氏院在縣西北一十八里晉天福七年建號玉

泉院大中祥符元年改賜今額

彰聖院在縣東南七十里唐咸通十四年建號古

靈院大中祥符元年改賜今額

香社院在縣南三十里隋樓世幹捨宅建會昌廢

大中元年重建院有連理木咸通元年賜木

連院額後改今額

雲峯院在縣西南五十里唐中和二年長老可伏

於蔣洞穴建大順中賜靈洞翠峯院額後改

今額洞名白雲

安隱院在縣東北六十里唐咸通十二年建廣明

二年賜國慶院額後改今額

靈峯院在縣北六十五里後唐長興二年建號溪

靈山院後改今額

淨觀寺在縣西一里唐天祐元年建乾德三年吳

越給翠峯院額後改今額有范蠡祠相傳云

范蠡宅也山上有鳴夷井寺有

仁宗朝賜經二藏又有范文正公題詩石刻

修惠院在縣東北七十五里後唐長興五年於古

資聖院基上建太平興國元年改精進院後

改今額

三德院在縣北七十里唐貞元十四年智藏禪師

建惠標禪師後復居此咸通八年賜額

智度院在縣北一里五十步唐景福二年建號香

積院大中祥符元年改賜今額

保福院在縣東北八十里唐咸通八年建乾符二

年號保唐禹泉禪院又改保錢院後改今額

崇壽院在縣西南二十里乾德二年建號寶泉院

大中祥符元年改賜今額

崇勝院在縣東南四十五里唐貞觀十五年千歲

禪師開巖建會昌廢大中重建咸平二年改

華嚴般若院後改今額

延慶院在縣東南七十里唐貞觀元年建有千歲

禪師修行于此因號道場院會昌廢咸通八年重建又號溪山院周顯德五年改興福永

安院大中祥符元年改賜今額

法善院在縣西二十五里唐文德元年建號普廣

院大中祥符元年改賜今額

道林院在縣北七十里唐天祐元年於古寶華院

基上建周顯德四年吳越給洩巖院額大中

祥符元年改賜今額

鍾山院在縣南五十里梁普通中伏虎禪師住持

唐咸通八年建

法藏院在縣東南八十里周顯德二年建號官田

院大中祥符元年改賜今額

延祥院在縣東北四十里晉天福七年建號清福

院大中祥符元年改賜今額

咸通西岳院在縣東北六十里本丁令威鍊丹之

地丹井存焉梁朝僧法成建咸通八年賜額

藥師院在縣西四十里唐咸通四年建廣明元年

賜額

薦福院在縣東七十里開寶四年建號報恩院大

中祥符元年改賜今額

上普潤院在縣東南二十五里本千歲和尚所居
巖上有小石巖上有文殊普賢像晉天福七年建
號醴泉院後改今額

下普潤院在縣東北二十五里太平興國元年於

古靈瑞院基上建號石井院後改今額

明教院在縣西南六十里晉天福七年建號仁豐

院大中祥符元年七月改通教院天聖初以

章獻明肅太后家諱避通字如改通進司為

承進司通州為達州諸州通判為同判通事

舍人為宣事舍人之類是也餘至

仁宗皇帝親政皆復故惟通州遂為達州至

今不復改如明教院額亦是也

淨土院在縣北五里唐天祐元年法雲大師建號

五峯塔院大中祥符元年改賜今額

永慶院在縣南五十里周顯德元年建號永光塔

院大中祥符元年改賜今額

法雲院在縣東五十里晉開運二年建號龍安院

化城院在縣東五十二里梁大同二年建會昌廢

開寶四年重建號紫巖院後改今額

慈光院在縣東四十里梁靈智禪師結庵之地唐

咸通五年建號通化院後改今額

崇法院在縣西一里本唐白鶴觀基開寶四年建

號水陸院大中祥符元年改賜今額

顯教院在縣西南七十里本唐忠國師道場晉開

運四年建號忠山院大中祥符元年改賜今

額

離相院在縣東南九十里晉天福四年於歸一禪

師塔院基上建號福田院後改今額

永福院在縣東南二十五里因梁武帝書堂基建

號應國禪院有相水井會昌廢晉天福七年

重建改今額有米元章禮部所書二碑

淨住院在縣南六十五里唐永貞二年建號龍潭

禪院會昌廢建隆三年重建改安福院大中

祥符元年改賜今額

崇教院在縣南六十五里唐貞觀元年建玄寂禪

師塔院會昌廢周廣順元年重建高松院後

改今額

清涼院在縣東南九十里漢乾祐二年建號上林

院後改今額

薦嚴院在縣北五十里唐咸通八年建號香嚴院

後改今額院有台州刺史康希銑碑趙州刺史徐嶠書

明覺院在縣東五十五里周顯德四年建號靈峯院後改今額

栖巖院在縣西南五十里唐景福元年建號高峯院後改今額

淨隱院在縣東南一百里晉開運三年建號崇化院後改今額

正覺院在縣東六十里晉開運元年建號菩提院後改今額

歸寂院在縣西五十里唐天祐五年建號歸寂塔院後改今額

宣妙院在縣北七十里唐咸通二年建號妙興院後改今額

香林院在縣西南二十五里漢魏祐三年建號松林院後改今額

雲就院在縣北七十里晉天福五年建號雲就院在縣西南四十里乾德四年建號淨福院

梵惠院在縣西南四十里乾德四年建號淨福院後改今額

廣福院在縣南六十里周顯德三年建號鴻福院

後改今額

資聖院在縣西二十五里唐天祐三年建號應乾

院皇祐元年改賜今額

普濟院在縣北七十里乾德五年建號通濟院天

聖元年閏九月改明濟治平三年改賜今額

天曹院在縣西四十里開寶五年建

寶林院在縣南六十里晉天福四年於玄寂禪院

基上建

雲居院在縣南四十五里唐天祐六年鑒真大師

建貞明四年賜越山禪院額治平三年改賜

今額

解空院在縣東南九十里建隆二年建號法誥院

後改今額

四果院在縣東北七十里晉天福三年吳越文穆

王建號保安羅漢院大中祥符元年改賜今

額

大曆廣福院在縣南四十五里本唐大曆院紹興

三年僧道雄重建仍以大曆壽聖為額三十

二年改賜今額

嘉福院在縣南六十五里乾德五年於懷靜禪師

嘉善院基上建號嘉善院後改額今廢

蕭山縣

祇園寺在縣西北一百步東晉咸和六年許詢捨

大舍山陰永興二宅建寺號崇化穆帝降制云山

陰舊宅名曰祇園永興新宅號曰崇化會昌

廢建隆元年重建寺有閣藏

仁宗皇帝御書後歸寶文閣治平三年改賜

今額

覺苑寺在縣東北一百三十步齊建元二年江淹

子昭玄捨宅建會昌廢大中二年重建賜名

昭玄寺祥符中避

聖祖名改今額寺有大悲閣熙寧元年沈眷

達迹爲之記又作八分書寺額四字筆意極

簡古閣後壁有毗陵戚舜臣水戚氏以畫水

名家此壁尤爲識者所貴并眷達文及書謂

之三絕或詆戚氏以爲似印版水紙過矣

廣化寺在縣南四十里梁大通二年建號法興寺

會昌廢咸通十三年重建治平三年改賜今

額

覺海寺在縣南四十里唐會昌元年建號政信寺

五年廢晉天福四年重建祥符元年改賜今額

慈雲寺在縣西南四十里梁天監十二年僧寶誌於許玄度宅基上建號開善資寶寺會昌廢

晉天福三年重建祥符元年改賜今額

惠濟院在縣東北一百五十步晉天福五年悟真師於古崇寺基上建號資國看經院太平興國七年改惠通院治平三年改賜今額

淨土院在縣西一里唐開寶五年於古善明寺基上建號彌陀院太平興國七年改賜今額

正覺院在縣東五十步後唐天成元年吳越武肅王建號十善院院有浴室王絲父宸建謝絳為銘祥符元年改賜今額

廣慈禪院在縣南七十里梁大同二年建號安禪

寺隋大業十三年廢晉天福七年重建吳越

改保安禪院景德二年改今額寺多勝槩范

希文葉道卿元厚之沈存中施正臣唐彥猷

晁美叔吳伯固皆留題其中又有柳郎中永

題會景亭有分得天一角織成山四圍之句

永以樂府得名此詩雖不高亦不失為工也

真濟院在縣南三十八里唐武德七年建會昌廢
晉天福六年重建吳越文穆王給興國禪院
額太平興國七年改賜今額

和慶院在縣南六十五里唐天祐十六年建號龍
門院祥符元年改賜今額

明化院在縣西一十二里後唐長興三年吳越文
穆王建號化慶院景德三年改今額

開善院在縣東四十里晉天福元年建號資化院
祥符元年改賜今額

淨惠院在縣南三十五里晉天福八年建號妙緣
院祥符元年改賜今額

廣法院在縣西一十二里後唐天成元年建號六
通救苦禪院祥符元年改賜今額

廣福院在縣西南七十里後唐同光元年建號龍
門護國院毀於建炎紹興二十九年僧妙通

資教院在縣東一十四里晉開運三年建號崇真
院祥符元年改賜今額

興法院在縣東四十里梁大同三年建號大翔寺
隋大業十三年廢晉天福八年重建吳越改

興法院在縣東四十里梁大同三年建號大翔寺
隋大業十三年廢晉天福八年重建吳越改

寶乘院祥符元年改賜今額

淨土院在縣南八十里梁大同二年白敏將軍捨

宅建號白墅寺會昌廢咸通九年重建祥符

資福院在縣西一十二里周廣順元年建號妙福

院祥符元年改賜今額

重興院在縣西九十里本晉許徵君巖下寺會昌

廢咸通十四年重建改賜今額

顯教院在縣南一十五里乾德二年建號崇福院

舊有閣面衆山曰環翠為士夫登覽之所寺

僧猷庸鄙客數至乃易為諸天閣與山相背

六味無復舊觀治平三年改賜今額

興教院在縣南一百里唐天祐二年建號靈峯院

祥符元年改賜今額

普惠院在縣南八十里唐天祐二年建號華嚴院

靈峯祥符元年改賜今額

聖果院在縣西南四十五里唐咸通九年建號靈

興峯萬壽院治平三年改賜今額

資利院在縣東三十里舊係白鶴接待院紹興十

五年僧請于府乞以迴向資利院舊額歸焉

五年僧請于府乞以迴向資利院舊額歸焉

五年僧請于府乞以迴向資利院舊額歸焉

栖真院在縣南七十里漢乾祐二年建號福安院

資化院在縣南三十里漢乾祐二年建號新興院

興善院在縣東五十里晉天福三年建號新興院

聖果院在縣南三十里改賜今額

靈峯院在縣南八十里周顯德六年建號郭峯院

普惠院在縣南三十里改賜今額

法印院在縣南九十里周顯德二年建號法華院

興隆院在縣南三十里改賜今額

六和院在縣南六十里漢乾祐元年建號六通興

福院在縣南三十里改賜今額

崇因院在縣南六十里漢乾祐二年建號崇明院

隆興寺在縣西一里舊係接待院乾道五年僧請

于府乞以隆興寺舊額歸焉

龍泉寺在縣西二百步東晉咸康二年建唐會昌

五年廢火中五年重建咸通二年改今額龍

泉在寺山王荆公有絕句所謂四海蒼生待

霖雨不如龍向此中蟠今有大字刻於泉旁

蓋後人做公書為之非真筆也

餘姚縣

高宗皇帝巡幸時泊御舟於亭前江中寺
又有碑乃虞世南撰武后天授中布衣董彙
書世南止曰虞南蓋避太宗諱按太宗在位
時羣臣皆不避其名如虞世南蘇世長李世
勣等是也世勣至高宗初乃去世字止曰李
勣猶用古禮卒哭乃諱之文世南卒於太宗
時未嘗單名南此碑蓋書人追去之也

九功寺在縣西一十五里齊建元中越州刺史榮
穎捨宅建號休光寺會昌廢大中十二年重
建周顯德五年吳越武肅王修改今額

圓智寺在縣南一里齊永明元年建號禪房寺唐
天寶四年改大法寺會昌廢咸通元年重建
大中祥符元年改賜今額

建初寺在縣南二百步晉大和元年建號平元寺
會昌廢周顯德四年重建吳越改興元寺大
中祥符元年改賜今額

普滿寺在縣東北一十五里周顯德六年建號靈
瑞塔寺大中祥符元年改賜今額

廣安寺在縣西北五十五里唐乾寧三年建號報
恩寺尋廢漢乾祐二年重建大中祥符元年

改賜今額

長慶院在縣東北三十五里唐長慶四年建號柯城道場院會昌廢大中二年重建天祐六年

普濟院吳越改今額

羅漢院在縣東一里三十步梁大同元年建號棲閑院會昌廢周顯德四年高景淮重建改賜

改賜今額

應天鎮國禪院在縣西一里龍泉山之上唐大中

五年何延竦等建號聖德禪院咸通十五年

改賜今額

悟法院在縣西南六十里梁天監元年建會昌廢

大中元年重建號四明寺天祐八年吳越改

東明禪院大中祥符元年改賜今額

普濟院在縣東北六十里唐大中元年建號上林

院大中祥符元年改賜今額在上林湖山之

西麓俗謂之西寺山勢回抱地學者多稱之

以爲可亞四明之天童山陳康肅公爲漕案

行壑所嘗來遊有詩云山遠峯峯碧林踈葉

葉紅凭欄對僧語如在畫圖中今刻石寺中

隆慶院在縣東北六十里梁大同元年建號上林

院唐文德元年改仙居院大中祥符元年改
賜今額俗謂之東寺山有仙人跡深寸又有
淨聖泉大旱不枯謝師厚景初題詩危中頗
多其上林湖山詩云山水有奇秀何必耳目
親茲地世未知偶游良可珍平湖瞰其中翠
巘圍四垠青松千萬植落瀑如懸巾佛廟聳
殿塔裝點繪畫新清谿與斷崖水石聲磷磷
峯巔見滄海日出常先晨花草時節異寧問
秋夏春陵谷千萬古豈無稱道人得微言不
信又恐遠故堙樽酒且樂我醉來事事
觀仙居山瀑布云落泉下峭壁斗絕千萬丈
濺急雪片飛望若匹練廣曲嶺隔青林三里
已聞響其旁有巨石平潤可俯仰愚俗所不
道我輩偶來賞須期秋色清攀蘿將爾上師
厚希深之子一代名士詩尤得名歐陽文忠
公梅聖俞王文公皆推之黃魯直娶其女自
言從謝公得句法

如意院在縣東北三十五里晉天福六年建號保
安院大中祥符元年改賜今額

寶積院在縣西三十五里晉天福六年建號保安

寶壽院大中祥符元年改賜今額

廣教院在縣西北四十五里晉天福六年建開山
僧於土中得石佛五尊奏請賜號瑞明大中
祥符元年改賜今額

西福昌院在縣東北三十五里周廣順元年建號
烏山資福院大中祥符元年改永安院政和
元年以寺犯陵名改賜今額

普明院在縣西北三十五里漢乾祐元年建號松
山報恩院大中祥符元年改賜今額

東福昌院在縣東北七十里唐長慶四年建會昌
廢大中二年重建吳越給永壽院額大中祥
符元年改賜今額

建福院在縣西北三十五里梁天監元年建號天
香院隋大業元年毀周顯德二年重建改天
華院大中祥符元年改覺朗院崇寧元年改
賜今額

普圓院在縣南三十五里後唐清泰元年建號化
安院大中祥符元年改賜今額

法性院在縣東二百三十步晉天福七年邑人於
古大寧寺基上建有居士像隨潮而至父老

迎賓于院改觀音院大中祥符元年改賜今額

靜凝教忠寺在縣西北五十里本號姜山院祠一

女子曰孟姜不知何世人也俗傳繆妄可笑

會昌廢晉天福二年重建改報國興福院大

中祥符元年改靜凝院隆興元年李莊簡公

家請為功德院增教忠二字

清果院在縣東北七十里晉天福七年建號鹿田

院治平三年改賜今額

禪慧院在縣東北七十里晉天福七年建號精進

院治平三年改賜今額

明真院在縣南三十里靈源山後唐長興元年建

號四明院治平三年改賜今額

雙林院在縣東南四十里唐天祐元年建號雙桐

院治平二年改賜今額

正覺院在縣南二十五里唐天祐元年邑民邵誓

普安捨山建會高麗僧永乾遊方至此乃請居焉

為開山祖晉天福中吳越文穆王給昭覺院

額治平三年改賜今額

極樂院在縣南一里漢乾祐元年建號彌陀院治

齊平三年改賜今額

超果院在縣西南一十五里唐天祐元年建號越

安院治平三年改賜今額

普安院在縣南一十五里晉開運二年建號興安

五宮院治平三年改賜今額

慈聖院在縣南七十里晉開運二年建號白雲院

雙林治平三年改賜今額

嘉福院在縣東北四十里

報先院在縣南五十里紹興二十一年主奉吳王

祠事乞移東京報先院額建

勝果院在縣東北三十里紹興二十七年右從事郎張

昉乞移應天府勝果院額建昉文定公曾孫

地藏尼院在縣西南一里

上虞縣

等慈寺在縣東一里梁天監二年建始曰化民院

後改上福禪院會昌毀廢咸通元年重建後

唐長興四年改上福寺祥符元年又改等慈

後廢于火長老智策台州人道譽甚盛自號

塗毒巖主既至等慈首創三門極於闓壯

長慶寺在縣北四十里咸通二年建號永壽寺大

中祥符元年改賜今額

興教禪院在縣西南四十里唐乾符六年建號建

福院天祐三年吳越改象田禪院太平興國

九年改賜今額

戒德院在縣西北五十里唐大中十年建成通九

年賜名義讓寺治平二年改賜今額

上乘院在縣西南七十里在唐為休光寺大善道

場嘉猷禪師奏建會昌毀廢大中五年三白

和尚道全重建咸通九年更為大興善禪院

越州觀察使李郢書額治平三年改賜今額

智果院在縣東十里後唐清泰元年建號建福院

大中祥符元年改賜今額

國慶禪院在縣西南五十四里唐元和四年安禪

師建成通九年賜今額即謝太傅故宅也

明教院在縣西北二十里後唐清泰元年建號仙

壽院大中祥符元年改賜今額

重明院在縣西北四十里唐大順二年於古興善

寺基改建尋賜機證禪院額其額用絹素書

去果今存同光四年吳越改給今額

普淨院在縣西北七十里晉天福七年號報恩院



原件短缺

晉書大中祥符元年改賜今額

法果院在縣西南五十里晉天福六年建號含珠

院初閩僧從契栖隱于此邑人馮實為創禪

齋焉大中祥符元年改賜今額

棲禪院在縣南三十五里唐開成三年建號錢溪

院會昌廢光化元年重建天復三年吳越改

錢溪羅漢院大中祥符元年改賜今額

咸通寶泉院在縣南五十里唐大中七年建成通

六年賜額

智度院在縣西南三十里晉天福七年建號光相

年吳越給福泉院額治平三年改賜今額

瑞像院在縣西南一十五里晉天福六年於古南

源院基上建開運四年吳越給額

西資聖院在縣南五里唐咸通七年姜進思捨地

建八年給額

海惠院在縣東南十五里晉天福七年建漢乾祐

二年吳越給仙鳳院額治平三年改賜今額

化度院在縣東南一十里晉天福五年建號雲溪

院大中祥符五年改賜今額

廣教院在縣西四十里開寶四年有僧築菴山下

鎮國軍節度使事治因建為寺易名保安

治平三年賜今額國初嘗置官窰三十六所

於此有官院故址尚存

奉國報恩院在縣西南二十五里唐元啓二年建

廣明寶蓋禪院在縣南五十里唐廣明二年建

淨衆院在縣西北五十里晉天福四年建賜名見

西資明院治平二年改賜今額

福祈禪院在縣西北三十五里晉天福四年建

福仙院在縣西北三十里唐咸通八年建

湧泉院在縣南二十里漢乾祐二年建

新昌縣

寶相寺在縣西南一十里齊永明中僧護鑿石造

彌勒像建寺號石城至梁天監十二年像始

成身高百尺劉勰作記唐會昌五年建三層

閣改寺曰瑞像閣大中祥符元年賜今額以

歲久傾圮淳熙元年僧智高一新之漢嘉所

謂大佛者高千尺過此殆十倍黎陽大佛者

又加大焉嘗亡盜數人捕不可得久之乃於

佛耳中獲之

雲居寺在縣東北三十里宋元嘉二年建會昌毀

廢晉天福九年吳越重建號石門寺大中祥符元年改賜今額

大明寺在縣東北二十五里昔沙門法乾支道林

白道猷下築東岬山晉隆和元年賜號東岬

寺會昌毀廢後唐同光元年重建後徙高碑

大中祥符元年改賜今額

七寶院在縣西南五里舊號元華寺齊永明中孟

蘭法師建會昌廢晉開運三年趙仁爽見巖

龕有石佛千身重建院宇改千佛院大中祥

符元年改賜今額

福聖院在縣北八十步周顯德元年僧昭度建五

代元年吳越給無礙浴院額大中祥符元年改賜

今額

寶嚴院在縣西九十步晉開運二年趙仁爽建漢

乾祐二年吳越給釋天院額大中祥符元年

改賜今額

慧雲院在縣東南六十里唐會昌六年僧師祐建

後唐清泰二年吳越給九巖院額大中祥符

元年賜今額東廡有水出石罅間名蒙泉

興善院在縣西南四十里晉太康十一年西域僧

興善寺開斗築於此號新建寺會昌廢大中元年
重建廣明元年賜號興國禪院治平三年改

大明賜今額

祖印院在縣西南二十里宋元嘉中建號南岩院

會昌廢咸通八年重建大中祥符元年改賜

今額

廣福院在縣東南六十里周廣順元年大寂禪師

德韶建號天姥院至道三年改賜今額

沃洲真覺院在縣東四十里方新昌未為縣時在

新昌縣南三十里居沃洲之陽天姥之陰南對

天台山之華頂赤城北對四明山之金庭石

鼓西北有支遁養馬坡放鶴峯東南有石橋

溪溪源出天台石橋故以為名晉白道猷竺

法潛支道林乾興淵支道開威蘊崇實光誠

斐藏濟度暹印皆嘗居焉會昌廢大中二年

有頭陀白寂然來遊戀戀不能去廉使元微

之始為卜築白樂天為作記以為東南山水

越為首剎為面沃洲天姥為眉目其稱之如

此舊名真封寺不知其始治平三年賜今額

列翠院在縣西南二十里宋元嘉二年建唐咸通

八年賜額

鷲峯院在縣東南六十里本號靈巖院唐天寶三載建會昌廢後唐清泰二年重建嘉祐七年改賜今額

天宮院在縣東北三十里本號靈居院梁普通元年建會昌廢大順元年重建治平三年改賜今額

華藏院在縣東南六十里本號龍巖院唐龍紀元年僧文肅建治平三年改賜今額

昌法院在縣東四十里本號靈慶院周廣順元年建治平三年改賜今額

保福院在縣東一十五里本號遵德保安院周顯德三年建治平三年改賜今額

香林院在縣東北三十里本號梅林院周顯德四年建

普閏院在縣西三十五里晉天福六年建號華嚴院後改清潭院治平三年改賜今額

普門院在縣東三十里本號觀音院晉天福八年建治平三年改賜今額

方廣院在縣東北一十五里元號華嚴院乾德六

年建治平三年改賜今額

戒壇

開元寺昭慶戒壇咸平四年寺僧曉原立浮屠之法必受戒二百五十乃成爲桑門不然雖已普圖祝髮或已說法爲人師猶謂之沙彌而已所謂高沙彌者是也戒壇舉天下財二三所往香林往行數千里受戒其後寢多今處處有之會稽戒壇在開元寺賜額曰昭慶遇

聖節則開以傳度其徒以爲盛舉有臨壇僧二十餘皆推擇有行業者府爲給帖初戒壇四面皆爲天王及日月星宿之象而僧踐其上宣和初詔禁之皆毀去然近歲創者亦復有之矣

尼戒壇在大慶寺大殿之後安南聖節就天慶觀三清玉帝大殿

會稽樊江接待院

平水石碑頭接待院承節郎馬正卿造

太平山接待院本謝敷舊隱從事郎錢筠年於進士鍾邦俊所捨基內蓋造法堂庫堂三門仍

買田辦供邦俊又自蓋造僧堂及買田并柴

太平山封禁刻本備煉書刻於車油燈於平心
山陰虹橋接待院紹興五年僧法宥師覺募緣蓋

會佛殿及建藏

三江玉山觀音堂接待

嵯縣黃沙接待院

諸暨中浦接待院紹興初臨安府靈芝大智律師

元照創立慶元元年監左藏西庫呂昭亮買

田辦供又募衆蓋造佛殿法華懺堂三門浴

室廚庫等

紫巖岳廟接待院

新昌開嶺接待院

餘姚西橫河接待院

仙亭接待院

施水

稽山門施水坊

橫官步觀音懺堂施水

昌源施水坊

常善門外跨湖橋施水坊


沉釀堰施水坊

梅市貴隱施水坊

九里施水坊

昌縣施水坊

縣官老賸音通室施水



山亭

輪

陳昌

會稽志卷第八



